

Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

Arthabastha. Das Buch C. VII.

Gottes / die vnter deiner hand ist / setze Richter vnd Pfleger / die alles volck richten das jenseid des wassers ist / alle die das Gesetz deines Gottes wissen / vnd welche es nicht wissen / die leret es . Vnd alle die nicht mit vleys thun werden das gesetz deines Gottes / vnd das gesetz des Königs / Der sol sein vrtail vmb der that willen haben / es sey zum Tod oder in die Acht / oder zur Busse am gut / oder ins Gefengnis.

Globet sey der **HERR** vnser veter Gott / der solchs hat dem Könige ein gegeben / das er das haus Gottes zu Jerusalem zieret . Vnd hat zu mir barmherzigkeit geneiget fur dem Könige vnd seinen Rathern / vnd allen Gewaltigen des Königes / Vnd ich ward getrost nach der hand des **HERRN** meines Gottes vber mir / vnd versamlet die Heubter aus Israel / das sie mit mir hin auff zögen .

VIII.

Dies sind die Heubter irer Veter die gerechnet wurden / die mit mir er auff zogen von Babel / zum zeiten / da der König Arthabastha regierte. Von den kindern Pinehas / Gersom. Von den kindern Ithamar / Daniel. Von den kindern Dauid / Hattus. Von den kindern Sechanja der kinder Pareos / Sacharja / vnd mit im Mansbilde gerechnet hundert vnd funffzig. Von den kindern Pahath Moab / Elidenai der son Serahja / vnd mit im zwey hundert Mansbilde. Von den kindern Sechanja der son Jehasiel / vnd mit im drey hundert Mansbilde. Von den kindern Adin / Ebed / der son Jonathan / vnd mit im funffzig Mansbilde.

Von den kindern Elam / Jesaja der son Athalja / vnd mit im siebenzig Mansbilde. Von den kindern Sephatja / Sebadja der son Michael / vnd mit im achzig Mansbilde. Von den kindern Joab / Obadja der son Jehiel / vnd mit im zwey hundert vnd achzehen Mansbilde. Von den kindern Selomith / der son Josiphja / vnd mit im hundert vnd sechzig Mansbilde. Von den kindern Bebai / Sacharja der son Bebai / vnd mit im acht vnd zwenzig Mansbilde. Von den kindern Asgad / Johanan der jüngst son / vnd mit im hundert vnd zehen Mansbilde. Von den letzten kindern Adonikam / vnd hießen also / Eliphelet Jehiel vnd Semaja / vnd mit inen sechzig Mansbilde. Von den kindern Bigevai / Vthai vnd Sabud / vnd mit im siebenzig Mansbilde.

Und ich versamlet sie ans wasser das gen Abena kompt / vnd blieben drey tage daselbs / Vnd da ich acht hatte auffs volck vnd die Priester / fand ich keine Leuten daselbs. Da sandte ich hin Elieser / Ariel / Semaja / El Nathan / Jarib / El Nathan / Nathan / Sacharja / vnd Mesullam die Obersten / vnd Joiarib vnd El Nathan die Lerer . Vnd sand sie aus zu Jodo dem Obersten / gen Casphia / das sie vns holeten Diener im Hause vnser Gottes / Vnd ich gab inen ein / was sie reden solten mit Jodo vnd seinen brüder den Aethinim zu Casphia. Vnd sie brachten vns / nach der guten hand vnser Gottes vber vns / einen klugen Man aus den kindern Maheli / des sons Leui / des sons Israel / Serebja mit seinen sönen vnd brüder / achzehen . Vnd Hasabja / vnd mit im Jesaja von den kindern Merari / mit seinen brüder vnd inen sönen / zwenzig. Vnd von den Aethinim / die Dauid vnd die Fürsten gaben zu dienen den Leuten / zwey hundert vnd zwenzig / alle mit namen genennet .

Vnd ich lies daselbs am wasser bey Abena eine Fasten ausruffen / das wir vns demütigeten fur vnserm Gott / zu suchen von im einen richtigen weg fur vns vnd vnser Kinder vnd alle vnser Habe . Denn ich schemete mich vom Könige Geleit vnd Reuter zu foddern / vnd wider die Feinde zu helfen auff dem wege / Denn wir hatten dem Könige gesagt / Die hand vnser Gottes ist zum besten vber allen / die in suchen / Vnd seine sterck vnd zorn vber alle die in verlassen.